

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Concilio Mediolanensi. Cap. XV.

urn:nbn:de:hbz:466:1-12704

ipſis libitum eſt) occultabant iidem ipſi milites, quò populo afferrent opinionem, ſe tam crudelis facinoris minimè conſcios fuiffe (iſtud infani illi errore mentis occæcati, patrarunt) ſed cum mortuorum neceſſarij & familiares propter confessionem fuorum lætitiam animis caperent, propter corpora autem in mœrore & luctu verſarentur, eorum impietas crudelitasque maiore cum infamia & turpitudine patetfacta eſt. Porrò autem Episcopos AEgypti, & Libyæ, Ammonium videlicet, Muīum, Caīum, Philonem, Hermē, Plenium, Pſenosirin, Nilammonem, Agathonam, Anagamphum, Marcum, Dracontium, Adelphium, Ammonium alterum, alterū etiam Marcū, Athenodorum: presbyteros autem Hieracem & Diſcorum, auctutum in exilium mifere. Atq; iſtos è patriis ſedibus exturbantes, adeo acerbè & crudeliter traſtauere, vt nonnulli eorum, inter vias, alii in exilio morte occumberēt. Nam triginta & amplius episcopos interfecerunt, & exemplum Achaab imitati, ad veritatem è medio tollendam omni cura & cogitatione incubuerunt. Idem Athanasius ad virgines illas, qui acerbos illos cruciatuſ pertuliffent, orationes quibus eas consolaretur, ſcripſit, in quibus quidem iſeruit iſta, ob hanc cauſam nulla veſtrum in mœſtitia ſit. Quamuis iſti impij vobis inuidieant ſepulturam, & funera ducere prohibeant: (nam haec tenus quidem Arianae tragoediæ exitus) & portas occludant, & propter monumenta, tanquam laruae aſſideant, obſeruantes ne mortuorum quisquam tumulo condatur. Iſta quidem facinora, aliaq; his similia à Georgio fuere Alexandrię patrata. Diuus autem Athanasius nullum locum tam munitum eſſe censuit, vt in eo tutus eſſe poſſet, præſertim cum Imperator mandatum dediſſet, vt vel viuus adduceretur ad ſe, vel caput illius mortui apportaretur: eſſetq; pollicitus ampliſſimam mercedem ei, qui hoc praefare vellet.

De Concilio Mediolanensi. CAP. XV.

QVanquam autem ipſe Constantius, cum Magnentius post Constantis mortem imperio versus occidentem potitus eſſet, ad iſtius tyrannidem expugnandam in Europam cum exercitu profectus eſt: tamen ne iſtud quidem graue bellum, quod contra eccleſias fuſceptum erat,

GG 3 fedat-

THEODOR. HISTOR.

sedauit. Nam Ariani Constantio, cuius animus tum facilè ad omnia impelli poterat, tum erroris Ariani contagione infectus erat, persuadent, ut Mediolani, quod est oppidum Italiæ, concilium cōuocaret: ac primum omnes, qui eo conuenirent, abdicationi, quæ Tyri ab inquis illis iudicibus sigillatim aduersus quosdam episcopos facta est, assentiri cogeret: deinde ut Athanasio ecclesiis electo, aliam fidei doctrinam componerent. Itaque episcopi literis Imperatoris acceptis eò conuenerunt quidem, sed tamē neutram earum rerum fieri permiserunt: imò verò corām ipsum aperte coarguerunt Imperatorem, vtpote iniqua & planè impia iubentem: & propterea fuerunt tum ecclesiis expulsi, tum ad ultimas orbis terræ oras incolendas condemnati. De qua re etiam diuinus ille & admirabilis vir Athanasius scribit in Apologia sua his ferè verbis. *Q*uis tantum sceleris dīcendo poterit exprimere, quantum isti consciuerint? Nam nuper cum ecclesiæ pace fruerentur tranquilla, & populus in conuentibus preces faceret. Episcopus Romæ Liberius, & Paulinus primariæ vrbis Galliarum, & Dionysius primariæ vrbis Italiæ, & Lucifer primariæ vrbis insulæ Sardiniae Episcopus, & Eusebius Episcopus etiam Italiæ: qui omnes, quoniam boni episcopi erant, & veritatis præcones, sedibus patriis abrepti sunt, inq; exilium acti, nulla alia causa, culpâve contra illos allata, quâm quòd hæresi Arianæ consentire, & calumniis eorum ac falsis criminibus, quæ centra nos confinxerant, subscribere noluerunt. *Q*uod autem ad magnum Osium, senem in primis venerandum, & vere confessorem attinet, de eo certe orationem instituere superuacaneum arbitror. Nam neminem fortasse præterit, hunc quoque ab ipsis exilio multatum: qui profecto senex est, non obscurus, sed omnium facile illustrissimus. Nam in quo consilio non ille primas tulit? Cui non persuasit eius, de recta fide instituta oratio? In qua ecclesia non præclarissima extant illius gubernationis monumenta? *Q*uis mœrore afflitus accessit vñquam ad eum, qui non lætus ab eo discesserit? *Q*uis egens ab eo opem petuit: qui non voti, compos abierit? Et tamen in hunc suam exercere malevolentiam non dubitarunt, propterea quòd cū calumnias, quas, impietate adducti cōtexuerant, exploratè cognitas haberet,

crimi-

criminibus contra nos dolose comparatis subscribere recusauit. Quocirca quæ scelera aduersus illos sanctos viros edita fuerint, ex his quæ citauimus, facile cognosci potest. Quæ autem contra alios etiam quam plurimos Arianæ phælangis præfecti per insidias machinati fuerint, idem vir diuinus in eodem opere itidem persequitur. Quem, inquit, Ariani infectati sunt, cui comprehenso non pro arbitratu contumelias imposuerint? Quis ab illis conquisitus, quem cum inuenerint, non ita tractarint, ut vel mortem miserandum in modum oppeteret, vel membra corporis cruciamen tis haberet prorsus labefactata? Nam quæcunque iudices statuunt, ea istorum impulsione statuunt: imò verò isti eorum voluntatis & nefarij conatus administri sunt. In quo tandem loco non existit aliquod eorum improbitatis monimentum? In quem suæ sectæ & opinionis aduersarium non falsas criminationes veteratorie, more Iezabel, non confinxerunt? Cui ecclesiæ lustum, illorum non attulerunt insidia? Nam in magno mœrore est Antiochena propter Eustathium confessorem & verè orthodoxum. Balanæensis pro Euphratione lamentatur. Ecclesiæ Ponti & Antaradi ob Quintianum & Carterium lugent. Adrianopolitana flet se orbatum pio Eutropio & Lucio eius successore, quem isti vinculis & catenis sic excruciarunt, ut mortem inde obiret. Ancyrensi porro ecclesiæ priuari Marcello, Berœensi Cyro, & Gazensi Asclepa, maximo plane dolori fuit. Hos namque iam pridem contumelia affectos isti veteratores exilio multandos curauerant. At Théodulum, & Olympium episcopos Thraciæ, nos præterea & presbyteros nostros propterea vndiq; conqueri effecerunt, ut si essemus usquam reperti, capitis supplicio afficeremur. Itaque sic fortasse morte occubuissemus, nisi præter eorum voluntatem etiam tum ipsorum manus effugissemus. Nam literas ea de re, contra Olympium quidem ad Donatum Proconsulem, contra nos autem ad Philagrium dederant. Eiusmodi fuere scelera, quæ ista impia factio contra sanctos viros admisit. Osius, de quo dixi, Cordubæ fuit Episcopus: qui sicut in celebri illo Concilio Nicæno magnam laudem adeptus est, sic in Sardicensi omnium, qui eo conueniebant, facile primas obtinuit.

THEODOR. HISTOR.

Porrò Liberij Episcopi longe excellentissimi liberam pro veritate disputationem, & sermonem plane admirabilem, quem habuit cum Constantio Imperatore hoc in loco ponere consilium est. Nam hæc à piis viris, qui id temporis vi xerunt, sunt propterea scriptis prodita, quod ad acuendum excitandumq; rerum diuinarum studiosos plurimum momenti habere putabantur. Iste Liberius, Iulio Sylvestri successore mortuo, Romanam gubernauit ecclesiam.

*Liberij Episcopi Romani et Constantij
Imperatoris Dialogus.*

CAP. XVI.

Dialogus Constantij Imperatoris et Liberij Papæ Romæ.

IMPERATOR CONST. Nos quoniam Christianus es, & nostræ ciuitatis episcopus, idcirco duximus, operæ precium te accersere: hortariq; vt communionem, nefariæ impii Athanasii dementiae repudies. Nam hoc recte se habere censet totus terrarum orbis: & eum sententia, concilii ab ecclesiastica communione segregandū iudicauit.

LIBERIVS EPISC. Iudicia quidem ecclesiastica, ô Imperator, summa cum æquitate fieri debent. Quapropter, si tuæ, clementiæ ita visum sit, iudicium haberi iubeto. Et si Athanasius videatur damnationem commeruisse, tum sententia, prout ordinis ecclesiastici formula postulat, contra eū pronunciabitur. Nam fieri non potest, vt quemquam condemnemus, de quo non factum sit iudiciū.

CONST. Totus terrarum orbis non de eius impietate solum, verum etiā quod, semper tempus ludere conatus est, sententiam tulit.

LIB. EPISC. Qui eius damnationi subscripsérunt, non res gestas ipsi oculis aspicerant, sed hoc est ab illis factitatum, vel quod gloriā abs te assequi, vel quod metu perculsi, vel deniq; quod infamiam extimescere viderentur.

CONST. Quid est, quæso, gloria, quid metus, quid infamia?

LIBER. Qui gloriā Dei non amplexātur, sed tua munera ei prætulerunt, hi hominem absque iudicio condemnabant, quæ nunquam oculis vidissent: quod est à Christianorum officio, plane alienissimum.

CONST. Atqui in Concilio Tyri, celebrato de Athanasio, cum ipse præsto adesset, iudicium factum